

崇信殿誌序

客有問於余曰新羅三姓王之國於東都也朴傳於昔昔傳於金三桮揖讓之風千載治化之隆著於三國史及東京通志而崇德崇信崇惠三殿之各修其誌何爲也余應之曰二帝三皇之至德要道書有堯舜之典大禹之謨商之盤銘周之秦誓益著其教化而又有十九之史略班馬之通鑑而不必嫌於架疊則惟我羅代三王首出之聖誕降之靈異禪受之心法治教大行民不夜扃偃武尚德隣國撤兵人道闡明六部得姓山川感化八怪呈祥以若神聖之治載於國史通志而多失於疎略况數千載之下列聖朝尊尊親親之義頒額降香報祀之盛典權使君之鳩材建廟鄉士林之協議賸享曾由乎前王不忘之義以吾先子一生心力篤於追遠誠於報本奔走鳴冤自鄉而道自道而京呼籲蹕路舉火南山動回天聽以伸多士之慨恨遺裔之冤抑而無所考據且崇德崇惠兩殿之

誌已行於世家家珍藏而獨此殿之未及者雖是財力之不贍雲仍之零
星而心所憤恨者久矣乃於今要撮 皇上之聖旨宰臣奏啓士林之稟
目先子之狀軸使剗刷氏以詔後世此爲殿誌之所以作也客唯唯而退
謹次與客相問答之語以爲殿誌之序

歲在戊子菊秋後孫本殿參奉鳳章謹序